Conosur Nawpaqman

Del CONOSUR Nº 139

Revista rural bilingüe para la Nación Quechua

PREDICCIÓN CLIMÁTICA CICLO AGRÍCOLA 2010-2011

"Tiempo q'alata sayk'upuchkan"

Periódico "Conosur Ñawpaqman" sapa wata agosto killa pasarquyta puriykacharimun, chaqra llank'aq runakunawan Pacha Qhawaymanta parlarinapaq. Wata tarpuypaq imaynataq tiempo kasan?, para watachu, manachu kanqa. Chayman jina kimsa maki tarpusqamantaqa uknin makiqa aciertakunpuni. Chay yachayninkuta kunan ñawirina:



"Jallp'a llank'aq runa jinaqa tukuy ima señata waturina, chayman jina wata tarpuyta churanapaq, durazno sach'apis tiempomanta willakun"

atinman waliq wata kayta" Abel Balderrama, Oloy, Provincia Campero (1 de octubre,

"Nanaqta chirimun,

"Runa masis, chirisitus sumaqta k'aqchamun 2010): qhipakama, chaypi wakin runa masis cuenta qukunku, waliq wata kanga nispa qhawarinku, kanga waliq wata niqtinku, suyanchik manataq jinachu. Kay wata sumaq nanaqta chirimun, atinman waliq wata kayta. Allin wata kananpaq rumipis junp'in ninku, ari ajina junp'isqa kachkanpis, jinapis imaynachus kanqa?".

"Tunapi cuenta qukuyku, allin wata kananpaq tiyan puquynin, kunanpis kasanña puquysitusnin, mana pisichu, icha allin wata kanqa, uk wata ajina cargasqa

karqa, kusa wata karqa, productoyku waliqta puqupuwarqayku".

"Sara tarpusqa qhipa makis mana lluqsinqachu"

"Ña cuenta qukuykuña, sarata ñawpaq paraswan tarpunapacha kanqa, qhipasqa mana Iluqsinqachu, wakinpi qhipasta mana paranchu ajinapi qhipa makisitus mana logranchu, ajinapiqa ñawpaq makistapuni churana jina. Kay Oloypiqa papasta churakuyku familiapaq jinalla, sarata astawan churayku, trigota atikusqanta wakin churakuyku, wakin mana, trigopis aqllan jallp'apata, mana ima jallp'apipis puqullanchu, barrialpi churana trigopis. Kay kunanta paraqña, qhiparikuchkan, jinallapi ukllatachus siqimunga, ajinata reparakusan.

"Tiempo q'alata sayk'upuchkan"

Cándido Pastor, Chilikchi, Provincia Carrasco (1 de octubre, 2010): "Mana allinchu kay wata kanga, granizoschu kanga, manachay allin luku

paraschu kanga, mana allin seña kasanchu. Khiñi mana allinta t'ikanchu, mana tiempompichu, kunanraq 27 septiembre chayta kutirin, mana allinchu kanga tiempo kay wata, mana calculaymanchu, para ñawpamungachus manachus?".

"1 de agostopi mana kanchu señas, rumista qhawaspa, nuqa mask'ani, húmedopacha rumilla, mana kanchu climan, chay junp'isitun mana kanchu, (chhullan mana kanchu). Mana calculaymanchu kunan kay

wata para imaynachus kanqa, para ñawpamunqachus manachay qhiparinqachus".

"Granizo kanan p'alta khiñipi yachakun" "Jinapis kanqa granizo, luku para grave

kanga, granizo kasgan yachakun p'alta khiñipi, chiripis jap'isqanman jina, cogollun kutirin-ch'akin, kutirinch'akin, chay granizopaq. Kay wata durazno mana t'ikanchu, kunitan kay masa mulli mana kutirinchu allin q'umirtachu, q'illupacha, qayna wata sumaq laqhiyuk karqa, kunan manallatag, mana allin tiempo jinachu kay wata kawasun. Tiempo q'alata sayk'upuchkan".



"Manatag libre para watachu" kawasun"

Lorenzo Salazar, Villa Moderna, Mizque (29 de septiembre, 2010): "Kay wata para tumpata ñawparimunga, jinapis tarpuy tiempota fallanayanga. Wayra kunanraq qallarichkan, agosto tiempota wayraqa tukuchinayaq, kunan wayra qhipata jamuchkan,

para chhillchisituswan tumpá ñawpamunga jinapis mana pasachingachu, mana sagsachiwasunchu, manatag libre para

watachu kawasun, kay pasaq wata jinallataq kanga, ajina tiempo qhawasqayman jina kasan".

"Ch'aki watapuni kachkan"

"Chayta qhawani cabrillapi, cabrillapis ayphulla, sumaq wata kananpaq cabrillaqa t'uqyamunn, lliwq nispa relamparimuchkan, chanta rit'ipis pisi jamun, uk tiempitulla qhasarqun, kay Carmen (16 de julio) chayta chiris kanpuni tumpata chay tiemputa rit'iytapuni yachan, wakin wata Carmen, San Pedro chayta rit'inpuni, chaypi as parariyta yachan, kunan mana, ch'akillataq, ch'aki watapuni kasan".

"Rumi k'anparirqani, qhuchqurimuchkallan"

"Para pisimanta pisi jamunqa, mana ukllatachu para chamunqa. San Andrés chayta, eneropiwan, para t'ipinayanga, kay pasag wata para ghipataña gallarimun, chay tarpunankupaq mana kanchu humedad, chay cabal lluksirqa. 1 de agosto rumista k'anparirqani, tumpallata qhuchqurimuchkallan, wakin kuti ukta rumi k'anpanki correrikapun yaku, chay sumaq watapaq, kunan tumpa junp'isqa, qhuchqusallan".

"Vallespiga chawpi tarpuykuna lluqsinga"

"Chay p'unchaykuna pichasqalla karqa, mana phuyus karqachu, ranqha karqa, 1 de agostopi libre junt'ita phuyu sumaq wata kananpaq, kay wata mana jinachu, phichqa p'unchaypiraq recien phuyus rikhurimun, chay ninayan tunpawan qhipata para kananpaq. Kunan vallespiqa kasi chawpi tarpuykuna aciertakunga, mana ñawpasqa, estanciaspiri ñawpa tarpuykuna aciertakunga, tunpawan humedadesniyug estanciasqa. Kunan trigo astawan puqunayanqa, chayta astawan churankuman, ratulla salvan trigoqa, sarari tumpawan unaysitupi salvan".

"Naqhasina tumpa qhiparisqa jina kanqa"

Aniceto Barrios, Tipapampa, TCO-Raqaypampa, Mizque. (29 de septiembre, 2010): Agostopi ñawpaq p'unchay mana phuyu karqachu, chirilla

karqa, qhipan p'unchay phuyumurqa, kimsa kaq p'unchaypi phuyusqallataq karqa.

Naghasina uraspi pisi para kanga, kay pata jallp'aspi waliqlla kanqa, kay pataspi para bastalla kanqa. Ñaqhasina tunpa qhiparisqa jina kanqa, Todos Santos killapi phuyus mana kanchuqa, Todos Santos pasarquytachus

manachay San Andres chaytachus para qallarinqa, jinapis mana seguruchu kasan, jinapis Todos Santosmanta jaqayman ari paranqa.

Carnaval chayta para siguinga, midisqallapuni kanga chayga, pascua killata para siguinan kasan, carnavalpi mana siguenqa chayqa pascua killata siguenqa paraqa, pascuakama pasay espiritu killakama para kanga, chayta reparani agostopi, phuyuspi".

Ñawpa tarpuykuna aciertakunga, qhipa tarpuyga mana ancha seguruchu, Todos Santosman semana kasaptin tarpuykuna aciertakunga, chaymanta Todos Santos pasay San Andreskama tarpuykuna aciertakullangapuni, chaymanta jaqayman manaña, qhipaña, chayqa jaqay ura jallp'aspi sara tarpuyña".

"Kay wata ch'aki wata kanqa"

"Tiempo q'ala cambiasqa watamanta wata"

Eusebio Vargas, Zanja Pampa, Wara Wara, Campero. (1 de octubre, 2010): "Tiempo q'ala cambiasqa

watamanta wata, kay cambio climático manaña nisqawan tiempompi ni imapis kanchu. Kay cambio climáticowan q'ala tiempo ujinayapun, qhawani, ajinata sach'itaspis mana tiempunpichu kutirin.

Qhawarisqayman jinaqa kasi para qhiparinqa, mana tiempunpi paranqachu. Nawpa wataspi septiembrepi parariwaq kawayku, Kay wata qhiparinqapuni, sut'illa karqa agosto killapi, kay primeros niyku kikillan, parita qhiparisqa kasan".

"2011 cosechapaq watuni, chaypaq 2010pi agostopi 1, 2, 3 p'unchaykunata qhawarini. Para pisiraw tunpata kanqa, enero killapi para tunpa midisqalla kanqa, chanta para tunpa qhipata jamuchkan kay wata, febrero kasi normal para kamunqaña, marzo chay chayniqta para kanqa. Maychhus chaylla kanqa wataqa. Ñawpaq tarpuykunata humedadmanta jina pisita tarpusqayku kay vallespiqa".

"Qhawani phuyupiwan, wayrapiwan, valle ladumanta wayra jamun, phuyutaq kanan. Pisi phuyu 1 de agostopi, 2pi tiyan normal phuyus, chay ninayan febrero killapi paras acompañanqa, eneropitaq para pisi kanqa, chanta marzopi kanqa paras, pascua chaykama atinman parayta. Wayrapis kikillan, valle ladumanta jamun q'ayantimpaq kutirisallanñataq, legalta purichkan wayrapis. Chay luku wayras, luku parasllapaq chaykunaqa.

Sach'aspi qhawallanitaq, qharipi, lanza lanzapi, thaqupi. Khari recienta t'ikasan, qhipachkan chayrayku paras tumpa qhipata jumunqa, para ñawpata kananpaq qharis kay julio chayta ñapis t'ikananña, kunan mana.

Ñawpaq tarpuykuna suertenqa jinapis paramanta jina sufrinqanku; chawpis, qhipas mana sufrinqankuchu.

"Kay wata regularcha kanqa"

Severa Veysaga y Fortunata Almendras, Pampas, Campero. (1 de octubre, 2010):

"Kay wata regularcha kanqa, k'ita pilis lluqsimun, chayqa para watapaq, achkha yuraqlla riqhurimunku, ch'aki watapaq mana l l u q s i m u n c h u paykunaqa, wakaswan qhuska purinku, San Juan Pasaymanta lluqsimunku, chayta chay k'ita pilisituspi fijakuni, purichkallankuqa i".

"Durazno waliqllata t'ikachkan, waliqlla kay wata kanqa. Chiripis qhipakamaqa, nishu chirin kay wataqa, qayna wata mana ajina chiri karqa, chayta qhipamantachus paranqa nichkanku, imaynachus kanqa. Thaqu kusa kasan kay wata, thaqu sumaq puqun chayqa sara puqullantaq.

Para kaptin ñawpaq mit'asta churakuna kanqa, chay astawan resultan, qhipaqa qhasillaña, chaypi mit'as wakin lluqsillan para acompañaqtinqa. Parapis Todo Santus pasaymanta kasi paranqa. Parata sumaqta reparaspa Todo Santos pasaymanta sarata tarpuna pacha kanqa.



"Aynuqakunapi iskay watata tarpuyku chaymanta chunka watata samarin. Aynuqaman yaykuyku uk asambleapi dicisionesta ruwaspa"

"Kay wata ch'aki wata kanqa"

José Quispe, comunidad Chillavi (prov, Ayopaya (Septiembre 21, 2010):

"Kay wata kanga ch'aki yuthus wata, wachachkanku ichhu patapi. Kay wata mana ancha para kangachu, chantá kanqa qhasa, tunpitacha kanqa. Kay wata kutirpa kusa kanqa, imaptinchus chay machu niyku chay (ch'aska=estrella mayor) mana lluqsimuchkanchu, chinkayqapuchkan, anchhay rikukun kutirpa kananpaq.

"1 de agosto pichasqa karqa, chirita qhasamurqa, chaymanta, chawpi, 2 de agostopi manapuni, 3 de agosto karqa sumaq, chhullarimurqa, qhipa tarpuy kanqa sumaq kay wata.

Rumipi willallantaq, 1 de agosto rumi ukhu karqa qhasayuk, qhasa kananpaq chayqa. Iskay p'unchay kachkaptin pisilla qhasa karqa rumipi, q'ayantin mana karqañachu. Qhipa tarpuypi qhasa mana kanqañachu. Anchhayta qhawaspa tarpuyku nuqayku''.

"Chantá qutu jina ch'askas tiyan, sumaq puqunanpaq, mana sumaq puqunanpaq willan, ñaraq vallepaq, altiplanopaq ima. Kay wata altiplanopi puqullanqa, vallespi pisillasina kanqa. Chantá para qallarinanpaq phuyumuptin relámpagota qhawallaykutaq, altiplanopi puqunanpaq patamanta sunamun, vallespi puqunanpaq uramanta sunamun".



"Kimsa aynuqas aqllasqa kachkan tarpunapaq"

tarpunapaq"
"Chillavipi kay wata kimsa aynuqas aqllasqa kachkan tarpunapaq, wakin ñapis tarpusqaña, p'utumusanña, Wakinqa tarpuchkanku luk'ita, pataspi. Chantapis wakintaq octubrepaq chawpi tarpuyta tukunqanku.

Chantá Atuqsitu mana waqanchu kay 14, 15 septiembre chayta, mana uyarinichu, wakinqa uyarinkutaqchus. Waqaspa sumaqta tukuchin chayqa waliq; ¡waqa! nin chayqa qhasa watapaq".

"Allin watalla kanqa"

Eufracio Rodríguez. (Septiembre 21, 2010): "Nuqaq qhawarisqayman jina kunan wata michka waliq kanqa, jinapis qhipa tarpuypaq kanqa

tunpa qhasa. Michkasta tarpuyku septiembre killapi, uraspi í, chayman qhasa mana yaykunqachu. Pataspi wata tarpuy, octubre killapi, chayman yaykunqa uchhika qhasa, qhawarisqayman jinaqa pasajero chirilla kanqa, mana allin nishuchu.

Allin watalla kanqa. Qhawarisqaman jinaqa wakin para, wakin ch'akilla kanqa, nitaq ancha para nitaq ancha ch'akichu kanqa. Aqnata qhawasani, imaptinchus Añaskitus tinqasanku ch'aki lugarespi, wakintaq juq'upi, ajinapi iskaynin kanqa sumaqlla".

"Agostopi, kimsa dia p'unchayta phuyu lluqsimun, qhipa (kimsa) diataq paraykun i. Chay niyta munan michka sumaq puqunqa, mana ancha kanqachu unquy. Jinapis watapaq kusallataq kanqa. Chantá chay ch'aska ninku chay qayna wata lluqsimuspa kutiripurqa, chinkapurqa, chayta ninku kutirpa (michka tarpuy). Kunan manaraq yachakuchkanchu, manaraq kutiripunchu, jinapis chay qhawariqkuna ninku mana kanqachu kutirpa wata, kay wata mana allinchu kanqa kutirpas".

"Para qallarinqaña alliymanta"

"Liwqiliwqi, Waychu, Qillwa, Yakiyaki imaqa, yachanku, kunanpis uyarichkani, uk machka dianmancha paranqa, parananpaq waqan chayqa. Waychupis manaraq waqasanchu jinapis purisanña, chantá qillwapis purisanña, uk machkha semana jinaña lluqsimun, chay niyta munan para qallarinqaña alliymanta í.

Rumita qhawarqani sapa paqarin (1-2-3) Agostopi, tukuy rumis karqa chullunkasqa, chay nisan, chiri kanqa wata tarpuypaq, michkapaqqa mana, ñawpaqsitu kanqa chiri, uraspi michkasqa í.

Kaypi as humedadespi tiyakuyku, chay pisi, icha jaqay La Paz chiqakuna pampaspi sinchi chiriqa í, chaypi papata sinchita qhasarpapunman. Qaninpa jaqay K'utini loma puntamanta waqarimun truenos, chay niyta munasan loma wata kananta. Ari, kallanqataq qhipa tarpuy, luk'is".

"Pacha ujinayachkanpuni"

"Luk'iqa tunpa uritaspiqa manaña puquyta munanchu. Anchhay kachkan cambioga í.

-Ñawpata mana sinchita paraqchu-, nin tatayqa, ovejamanta punchu awasqallawan puriq kayku nin, mana karqachu hule, chay plásticos. Nitaq anchatapis paraqchu nin, kunanqa paraqa libreta jich'akamun, mana plasticotapis valerpachispa jinanchu".

Kay phisqa wata jinaña runa astawan miraykuchkan. Tukuy ima cambiasan, ruphaspa sinchitañataq rupharillantaq. Chikchi parapis chayamun manchichikunapaq jina; watamanta wata astawan ujinayachkan".

3

Señas manaña kikinchu, tiempo llullakuspa jinan"

"Kay wataqa mana as allinchu kanga"

Víctor Quintana, comunidad Chillavi. Ayopaya.

(Septiembre 21, 2010): "Kay wataqa mana as allinchu kanga. Agosto ñawpaq p'uchaykunapi q'alata ghasa chayamun, pastosta rumistawan rikhurichirqa ukchasqata, chayqa niyta munan mana ñawpaq tarpuy puqunqachu, qhasa Ajinapi kanga. tukuy comunidad qhawanayku tiyan, umachakusqaman jinaqa ama tarpukusunchu ancha ñawpaqtaqa. Qhipa kaq p'unchayqa (Agosto, 3) phuyumun, ajinapi chawpi kaq tarpuymanta, qhipa kaq diakamaqa waliq riwayku. Chaywanqa mana qhasipaqchu tarpuyku".

"Chay q'ulachu japusqa jallp'itawanpunitaq papitaqa sumaqta puqurqun"

"Q'ulachitupis lluqsinchus mananchus chayta qhawallaykutaq. Tata cruz chayta mana paran chayqa q'ulachas waliq ruwakun, paran chayri q'ulachu mana lluqsinchu. Chay q'ulachu japusqa jallp'itawanpunitaq papitaqa sumaqta puqurqun, sumaq alimento, wanuwan ninakun, q'uñichan papaman. Tata Cruz chaytaqa mana pararqachu, chay niyta munan waliqlla kananta, chayniqta q'ulachitupis allinta lluqsin".

"Todos Santos chayta paran chayqa, as unquy wata kan, chay yana unquy, papaq cañitasninman yaykun. Kallankutaq waq instituciones, toxicoswanñataq papaykuta janpirpapuyta munawayku, chay mana waliqchu nuqaykupaqqa".

"Nichkan paritapis maychus chaylla kanallanta"

"Watullaykutaq ch'aki wata manachay para wata kananpaqqá, uk khuritu tiyan añaskitu nisqa chayta, qhochita tiqmarqun chayqa, ch'aki wata kanqa, niyku: qhochisnintinpi tarpuykuyku. Mana allan chayqa, para wata kanqa nispa qhawallaykutaq. Kay wata mana ancha chhika allarqachu, chayqa paritapis maychus chaylla kananpaq.

Wayra chayamun inti p'utuy chiqamanta chayqá, allin wata kallantaq. Inti yaykumuy chiqamanta wayra jamun chayqá, mana waliq watachu. Kay watarí wayra inti lluqsimun chaymanta waliqta jamuspalla kan.

"Mayo killa sut'iyaysitusta ch'aska lluqsirqamun, chaytaq kutin qhipaman, chayqa nin kutirpa sumaq puqunanta. Mana kutin chayri, mana kutirpa watachu. Aqnapita jatun tarpuyllamanña ripuyku, manaña qallpamanqa tarpuykuchu".

"Qayana qutu urapi kachkarqa"

"Kallantaq waq, qutu (nebulosa) niyku, papa allasqa qayana jina ruwakun. Qayana qutu jatun kachkan chayqa, lumapi sumaq puquy kanqa niyku; urapi juch'uylla kaptinri, vallepi puquy kanqa nispa

qhawayku. Kay wata chay qayana qutu urapi kachkarqa, chay niyta munan vallespi puquy kananta.

"Kutirpa"

"Kutirpaspaq mana chay machu ch'aska kutinchu. Mana waliqchu kachkanman kutirpasta churanapaq. Kunan as tumpallata lluqsimun chaymanta chinkapun".



"Medio ambiente nisqata waqaychana kanman, chay capa del mundo (ozono) sutichanchik, chay astawan llik'ikuchkaman kasqa, chayta jark'arinapaqqa tukuy umacharikuna kanman. Mundo cambiachkan, pachamama manaña sanuchu, juchayukqa Industrialización, (...), chay fábricas, tukuy ima q'usñichkan, anchhakuna astawan yapaykunku mundota venenaytaqa. Campopiqa icha tumpatawan jark'ariyku. Chanta agriculturapi chay jatuchaq empresasqa, quimicoswan tarpunku, chaypi jallp'ataqa kikinpi wañuchipunku".

"Chawpis, qhipas waliq kanqa nispa kachkayku"

Pablo Mamani (Chillavi-Ayopaya): "Kay jallp'api p'utuq runa jina pachata

p'utuq runa jina pachata qhawariyku, Agosto killapi ñawpaq p'u n c h a y qallariykunata (1-2-3). Ñawpaq p'unchay karqa, as q'alalla; iskay kaqpi phuyulla purirqa, qhipan p'unchaypi p h u y u y k u r i n t a q paraykurin ima tunpata. Kay

wataqa chay chawpis, qhipa tarpuy waliq kanqa nispa kachkayku.

Atuqpis qhipataraq waqarin —waqaqaqa waqaqaqanispa, qhipa tarpuychu waliq kanman imataqri, nispa kachkani. Agosto 15paq payqa sumaqta waqariq, kunan nitaq aqnata uyarichkanichu, Atuq kunanraq waqachkan, imataq pasanri?, nichkani".

"Wata maychus chayllachá kanqa nispa qhawachkani"

"Luku paraspaqqa pacha ujinayasqa i, mana aqnachu kaq. Añaskitupis llanthupitaq, ch'aki chiqakunapitaq tinqarachkan, wata maychus chayllachá kanqa nispa qhawachkani. Paray tiempo sumaqta paran chayqá llanthupi papas ismuyqapun, t'aqraspitas papaqa sumaqta puqun.



"Qhawarichkani sumaq kananta"

Teodoro Mamani Calisaya, Ayopaya (Septiembre 21, 2010): "Iskay kutitaña paran, jallp'apis juq'unpiña. Kay jamuq watata qhawarisani sumaq kananta, icha heladas jamunqa ñawpaq tarpuykunaman. Agostopi rumis tiqrasqay as chhullunkasqa kachkarqa, qhipan p'unchaykunataq junp'isqa jinalla kachkarqa.

"Atuqsitu mana waqanchu, uk runa masi willarisawarqa, qhipa tarpuy kanqa nispa, as tardella waqasqa, 'las cuatrota jinaña'. Waqaq payqa tawa, phisqa phani sut'iyayta chayqa, sumaq siña, ñawpaq tarpuy; wakinpi waqallaqtaq inti chayarqamuytaña chay, sumaq chawpi tarpuypaq''.

"Añaskituta rikuni ch'akipi tiqmarikta. Chay as ch'aki wata jina kanqa í; nitaq ancha ch'aki wata nitaq ancha para wata, ñawpa watas jina kanqa. Para wata kananpaqqa, qhuchispi tinqan, papataq qhuchispi sumaqta puqun. Jinapis khuchispiqa icha fracazanman kay wata. Waqladospiqa ch'aki jallp'as ajina í, chaypi mana aciertaymanchu".

"Kaypiqa uk tarpukunqa Septiembre killa, uktaq Octubre killa, uknintaq Noviembre killa tarpukunqa chay kusata qunqa jinapis Septiembre killa tarpusqata qasa jap'inqa. Mujuta qhawanallataq, muju wiñaraspa puntitasnin q'alata ch'akirpan, chay qhasa kananpaq. Unquy kananpaqqrí chawpisitunmanta ch'akipuspa t'ipirpan. Kay wata jap'isqapuni puntitasninta chay ñawpaq wiñarasqanta mujukta, chay niyta munan qhasa jap'imunqa ñawpaqkunata jinapis mana libreta chinkachinqachu".

"Liwqi Liwqi lluqsimurqa ñawpaqsituta, chay chiri ñawpamunanpaq lluqsimun. Qhipitata lluqsimun chayqa sumaq wata kaq. Waq siña kan, p'isqitus phawayqachallantaq, rit'inanpaqqa muyituta achkha phawayqachanku; parananpaqri uk chiqallanman rinku, uraman-pataman".

"Qhasa ñawpaqsitusta kanqa"

"Kay wata phuyumun kimsantin p'unchaykunata, ñawpaq p'unchaypiqa paramun. Qhasa kananta mana willanchu, jinapis rumi uqhariktiyri chaypitaq willan. Chantá mujuk wiñarasqanpi kallasqataq puntitasnin ch'akirasqa, chay nichkan qhasa tunpa jamunata ñawpaqsituspaq jinapis mana chinkachinqachu".

"Pachamaman jaywarinapuni"

"Ñawpata jaywaq kayku tarpurinapaqqa, kunanqa wakillanña, nuqapis evangelioman yaykupuni, tata amitullamantaña mañarikuni. Q'uwaq kayku parapaqpis, ima tiempotaq allanapaqpis, kunanqa tiempo q'ala ujinyasqa, runapis aqnallatataq munasqaykuman jinallaña purichkayku".

"Nawpaq, chawpis waliqllaman rich'akuchkan"

Leonardo Calisaya (Chillavi, Ayopaya): "Agosto

killapi kimsa p'unchayta (1,2,3) phuyuyqacharirqa waliqllata, qayna wata jinallataq karqa, waliq tarpuylla karqa. Chawpi tarpuy waliq kanqa. Qhipaspaq qhasa jinalla rich'akuchkan í. Chaymanta Muña

sumaqta t'ikachkallantaq, chay nichkan, 'chawpi tarpuyta

churariychik'. Mana allin watapaqqa pisillata t'ikan. "Chaymantaqa wayra jaqay La Paz (Nor-Oeste) chiqamanta jamun chayqa waliq watallapaq. Kay wata jamurqa allin sinchi wayras. Imayna watachus kawasun?. Atuq waqan as parti partillata Septiembre killamantaraq, payqa waqaq Agostopi allin papa puqunanpaqqa. Añaskutaq thawin qhuchi panpasta, lomaspi. Ñawpaq tarpuy ninayan chay".



"Aynuqakunapi iskay watata tarpuyku, chunka watata samarin"

chaytaqa organizacionpi parlayku"

"Wakin nativa papas chinkarinna"

Leonardo Calisaya (Chillavi, Ayopaya). Nillanpuni: "Ch'askapis tumpallata kutirin, as kutirpa watalla kaspa jinallantaq. Nuqa tarpuniña (waych'ata) kutirpata (chawpi michka) lomaspi, Septiembre qallariypi, lluqsinqataq Febrero killapaq. Tarpukun yana papa wayk'us, Q'atawi, Aqhawiri, Luk'is, Q'illu papa wayk'u. Jinataq chinkarinña puka pinta wawas, Canastilla, Yuraq Imilla, Chili papa". "Aynuqaspi iskay watata tarpuyku chaymanta chunka watata samarin. Aynuqaman yaykuyku uk asambleapi dicisionesta ruwaspa".



"Allin kanqa qhipa tarpuykunapaq"

Felicidad Mamani (Chillavi, Ayopaya): "Agosto qallariypi phuyu lluqsimurqa, jinapis kanman nini qhasa ñawpaq tarpuypaq, rumitapis qhawallankutaq chaypi karqa allin qhasas. Iskay kaq p'unchaypi phuyumullarqataq, chayqa chawpi tarpuy i, chaypaq kallarqataq qhasa wakin chiqapi, wakinpitaq mana imaptinchus rumipi kallarqataq qhasas. Kimsa kaq p'uchayqa, waliq nini nuqaqa, parawan sut'iyan sut'iyaqpaqtaq thañipun. Rumispis kusalla karqa. Chayta qhawachkani allin kanqa qhipa tarpuykunapaq nispa".

"Wakin qhawallankutaq 30, 31 p'unchaykunata, kikillantaq karqa, allinta parapurqa chay p'unchaykunaqa. Kay wata mana kanchu kutirpaspaq, ch'aska chinkapunña, yaykupunña; kutirpas pisi kanman, pisillata churayku. Qayna watarí kutirpa kuraqlla karqa".

"Añaskitu ñawpaqsituspiqa allarqa ch'aki ch'akisituspi, chayqa ukta para qallarinman chayqa astawanchu para rinman, chantá qhuchisitusman yaykurillantaq, jinapi ch'akirillanmantaq. Ajinapiqa pararillanmantaq chaymanta ch'akirillanmantaq wakin wakinpi nichkani".

El fenómeno climático "La Niña" se extendería y afectaría las campañas agrícolas hasta 2012

(23/09/2010). "La Niña", que en Argentina ha sido sinónimo de sequía, afectaría a las campañas agrícolas 2010-2011 y 2011-2012, similar al 2007-2008 y 2008-2009.

Lo cual incidirá en los cultivos y podría durar hasta el otoño del próximo año.

Oficialmente ya ha llegado "La Niña" al océano Pacífico ecuatorial

Posted by emulenews en 21 Septiembre 2010

Finalizado El Niño en otoño de 2009, ya ha llegado La Niña, según la NOAA (US National Oceanic and Atmospheric Administration). Las temperaturas de la superficie del océano Pacífico ecuatorial son entre 1'3 y 1'8 °C más frías que la media. La predicciones dicen que La Niña será hasta la primavera de 2011. Dijo Adam Mann.

¿Cómo afecta el fenómeno de La Niña?

América Latina sufrirá sus consecuencias fuertes este otoño/invierno, con sequía en América del Sur y el incremento de los huracanes en el Golfo de México. Chile podría sufrir una gran sequía, que también podría afectar a ciertas zonas agrícolas de Argentina y Brasil (e incluso de India y el centro de Estados Unidos). Los cultivos más afectados serán el maíz, la caña de azúcar, el café y la soja. Ciertas zonas de Brasil, Perú, Ecuador y Bolivia podrían sufrir lluvias torrenciales e inundaciones. Fuente: http://francisthemulenews.wordpress.com/2010/09/21/oficialmente-ya-ha-llegado-la-nina-al-oceano-pacifico-ecuatorial/

El gobierno a través del INIAF aprobó una norma sobre semillas:

La norma general sobre semillas (Resolución Administrativa del INIAF 002 del 12 de enero de 2009) es idéntica a la normativa aprobada durante gobiernos neoliberales (Norma General sobre Semillas de Especies Agrícolas, Resolución Ministerial Nº 121). Señala que los campesinos ya no pueden almacenar, transportar, distribuir o comercializar sus propias semillas a riesgo de ser sancionados con multas y decomisos incluso con la ayuda de la fuerza pública. ¿Otra vez las transnacionales están influyendo en las instituciones del Estado? Esta resolución quita a las comunidades campesinas el control y manejo de su propia semilla.

Las semillas serán controladas por las transnacionales.

La norma indica que la semilla necesariamente debe partir de "semillas de categorías altas" que están "bajo la responsabilidad y control directo del obtentor responsable del registro de la variedad" (Art 23 Resolución 002 del INIAF 2009). Lo que quiere decir que la semilla necesariamente deberá ser producida en grandes laboratorios de las empresas semilleras. En todo el mundo el 77% de las semillas



¿Quién controla los alimentos?

El gran negocio mundial de las semillas

es controlado por 10 grandes transnacionales y solo 3 (Monsanto, Dupont y Syngenta) controlan el 47% de este mercado, a través de las patentes que les da el derecho de obtentor. En Bolivia son dos empresas/instituciones de "desarrollo" quienes controlan la producción de la semilla "legal" de papa: SEPA y PROIMPA.

La normativa busca en el fondo: 1.- Hacer desaparecer sistema de manejo de semillas nativas. 2.- Obliga al campesino comprar semilla certificada del mercado. 3.- Entrega el control de las semillas a las empresas multinacionales. 4.- Generando dependencia en el uso de productos químicos

Chillavimanta (Ayopaya) comunarios ninku: "Feriapi jatuchaq chapara papata aswan rantinku, chayri quimicoswan puquchinapaq, wakinqa ajina tarpunku. Nuqari nativa papata churakullanipuni: luk'i papata ch'uñupaq, imilla papa, yuraq imilla, lunka imilla, suta mallku, q'atawi, yana wawita. Wayna Sepata ingenieros apamunku, kaytaqa abonowan tarpuna tiyan".

Según un campesino de Sanipaya-Provincia Ayopaya, los técnicos encargados de la promoción de semillas manejan el siguiente discurso: "compañeros,

toda la producción está mal, ya no produce, están enfermas las plantas y las tierras. Aquí está la solución [...] de aquí van a sacar el producto en 3 meses, no como ahora en 5 ó 6 meses. Van a cosechar mucho más por carga, ya no 9 por 1, sino hasta 20 por 1. También ya no van a tener que cagar tanto guano que es mucho trabajo, sino con estos fertilizantes, unas cucharitas, van a solucionar eso'.

"Kay industrialización pachamamata, jallp'ata ima unauchin"

El uso de semillas "mejoradas" va acompañada del uso de productos químicos, dañando el medio ambiente lo que genera: la desaparición de variedades nativas; la tierra pierde fuerza, el agua y el aire se contaminan por el uso de fertilizantes y pesticidas químicos. Lo peor, los productos químicos se quedan en la papa que comemos y llegan a tener un sabor desagradable y aguanoso.

Uk comunario Ayopayapi nirqa: "Umacharikuyku, kay industrialización pachamamata, jallp'ata unquchin, venenanku, papasta wakin puro fertilizanteswan, quimicoswan puquchinku, chaypi jallp'ata wañuchipunku, jark'anapaqqa oveja wanituwan, oganico wanituswan papa yuramanta wanuta ruwaspa tarpukuna kanman".

Están desapareciendo las papas nativas

El uso de la semilla mejorada reduce la cantidad de variedades. En los últimos 20 años han desaparecido muchas variedades nativas y están siendo reemplazadas por 3 variedades comerciales. La diversidad de semillas garantiza la resistencia a plagas y enfermedades. Cuando desaparecen recursos genéticos nativos afecta directamente a la alimentación.

Testimonio: "Tarpuyku q'atawi, papa wayk'us, yana papa wayk'us, aqhawiri, q'elli papa wayk'u, chinkarinña puka pinta wawas, yuraq canastillas, yuraq imilla pisi, chili papa chinkallantaq. Tarpukuyku uqa, papa, lisas, isañu. ch'uñupaq luk'i, waych'amanta tunta ch'uñuta ruwayku".



